



მედინაში ჩამოვიდნენ ადამიანები 'უქლის ან 'ურაინას ტომებიდან

ანას ბინ მაალიქმა (აღლაჰი იყოს მისით კმაყოფილი) თქვა: მედინაში ჩამოვიდნენ ადამიანები 'უქლის ან 'ურაინას ტომებიდან, თუმცა ქალაქის კლიმატი მათთვის შეუსაბამო აღმოჩნდა. მოციქული (აღლაჰმა დალოცოს და მიესალმოს მას) უბრძანა მათ, რომ გასულიყვნენ მისი (სადაყის) საჯინიბოს აქლემებთან და დაეღლიათ მათი რძე და შარდი. მათაც ასე მოიქცნენ და როდესაც გამოჯანმრთელდნენ, მოკლეს მოციქულის მწყემსი და აქლემები წაართვეს. როდესაც ეს ამბავი ცნობილი გახდა, მოციქულმა (აღლაჰმა დალოცოს და მიესალმოს მას) გაუგზავნა ხალხი მათ დასაჭერად. შუადღისთვის ისინი მოჰგვარეს. მაშინ მან უბრძანა, რომ მოეჭრათ მათთვის ხელები და ფეხები, დაეთხარათ თვალები და გადაეგდოთ ისინი ალ-ჰარრას არეალში. ისინი წყალს ითხოვდნენ, მაგრამ არ მიეცათ. აბუ ჟილბამ თქვა: «ამ ხალხმა მოიპარეს, მოკლეს, განუდგნენ რწმენას მიღების შემდეგ და ომი გამოუცხადეს აღლაჰსა და მის მოციქულს».

[სანდო (საჰიჰ)] [შეთანხმებული]

შუამავალთან (აღლაჰის ღოცვა და მშვიდობა მას) ორი ტომის 'უქლის და 'ურაინას ხალხი ჩამოვიდნენ და მიიღეს ისლამი, მათ შეხვდათ ავადმყოფობა და პანდემია, რომელმაც ძლიერ აატკივა მათი მუცლები, მათ არ მოეწონათ მედინაში ცხოვრება, რადგან ვერ შეეგუვნენ საკვებს და მედინას ჰაერს. შუამავალმა (აღლაჰის ღოცვა და მშვიდობა მას) მათ უბრძანა, რომ წასულიყვნენ მწყემსებთან, რომლებიც აძოვებდნენ აქლემებს და დაეღლიათ აქლემის რძე და შარდი, ისინიც წავიდნენ, როდესაც გამოჯანმრთელდნენ და დაუბრუნდათ პირვანდელი სახე, მათ მოკლეს შუამავლის (აღლაჰის ღოცვა და მშვიდობა მას) მწყემსი და წაიყვანეს აქლემები. ამ ამბავმა მედინაში დილა ადრინად ჩააღწია, მათ დასაჭერად მათ უკან მღევრები გაგზავნა, მზე ამალღებული იყო შუადღეს, როცა შეძლეს მათზე დაწევა და მათი დაკავება. ისინი შუამავალთან (აღლაჰის ღოცვა და მშვიდობა მას) დატყვევებულები მოიყვანეს, მოციქულმა მათი ხელების და ფეხების მოკვეთა ბრძანა, და ასევე თვალების დათხრა, რადგან ისინიც ზუსტად ანალოგიურად მოექცნენ მწყემს (მოკვეთეს მას ხელები, ფეხები, და დათხარეს თვალები). ისინი დაყარეს ალ-ჰარრას ტერიტორიაზე (ადგილი მედინას მახლობლად), ისინი ითხოვდნენ წყალს, მაგრამ მათ არავინ აძლევდა წყალს და ასე დაიხოცნენ. აბუ ჟილბამ თქვა: მათ მოიპარეს ნახირი, მოკლეს მწყემსი, უარყვეს რწმენის მიღების შემდეგ, და ებრძოდნენ აღლაჰს და მის შუამავალს.

النجاة الخيرية
ALNAJAT CHARITY

